

Zheng Yong cemerlang di kolam renang

KEM renang negara memamerkan aksi cemerlang di Sukan Universiti ASEAN (AUG) 2022 apabila meraih pingat emas menerusi Low Zheng Yong yang mengungguli acara 400 meter (m) gaya bebas di Kampus Bang Yang Noi, Ubon Ratchathani pada Selasa.

Zheng Yong merakamkan catatan masa 3 minit 59.57 saat (s) sekali gus menewaskan atlet Indonesia, Nicholas Karel Subagyo yang menamatkan saingan kedua.

Seorang lagi atlet negara Wilson Sim turut berada di kedudukan podium apabila menamatkan saingan ketiga dengan catatan 4 minit 07.29s.

Permulaan cemerlang di kolam renang itu menyaksikan Malaysia mengekalkan pingat emas dimenangi pada edisi Myanmar 2018.

Hasrat perenang negara Goh Chia Tong untuk menghadirkan kilauan emas dalam kategori wanita tidak kesampaian apabila sekadar menamatkan saingan kedua kategori 400m gaya bebas.

Chia Tong mengakhiri saingan dengan catatan 4 minit 28.51s di belakang atlet Singapura, Zi Yi Chan (4 minit 27.58s) sementara gangsa menjadi milik perenang Indonesia, Farmadini Prada Hanan (4 minit 28.68s).



Zheng Yong (tengah) bersama Wilson (kanan) dan Nicholas.